



Inatsisartunut ilaasortaq, Gerth Mikaelen, Naleraq
Inatsisartut@inatsisartut.gl

Tasiilami Ittoqqortoormiini mittarfiliornissaq aamma Kalaallit Nunaata Kangiani timmisartuussinissanik taamaatitsisarneq pillugu § 37 naapertorlugu apeqquteqaammut 2025-015-imut akissut

Dato: 20-05-2025
Sagsnr.: 2025 – 9900
ID.NR. 97717100

Asasara Gerth Mikaelen

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut suleriaasianni § 37 naapertorlugu Tasiilami Ittoqqortoormiini mittarfiliornissaq aamma Kalaallit Nunaata Kangiani timmisartuussinissanik taamaatitsisarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Apeqqut 1: Naalakkersuisunngortut isumaqatigiissutaanni anguniakkani takusinnaagakku allaqqasoq, Tasiilami kiisalu Ittoqqortoormiini mittarfiliortoqassasoq una qinigaaffik. Taamaammat apeqqutigerusunnarpoq qaqugu Tasiilami mittarfiliortoqassanersoq?

a. Taamatullu assinganik aamma Ittoqqortoormiini qaqugumitaava pilersaarutaappat?

Akissut: Ukiuni arlalinni Tasiilami aamma Ittoqqortoormiini mittarfiliornissamut periarfissanik misissuisoqarsimavoq, aammalu inissiiffissanik naleqquttunik nassaartoqarsimalluni. Tamatuma kingunerisaanik Aningaasaqarnermut Akileraartarnermullu Ataatsimiititaliami suliassanut marluusunut sanaartornermut pilersaarummik aamma C-overslagimik nutartikkamik suliaqartoqassanersoq pillugu politikkikkut aalajangiisoqarpoq. Pilersaarutip 2025-p naanerani naammassineqarnissaa naatsorsuutigineqarpoq. Suliassat ingerlaqqinnissaannut politikkikkut aalajangiineq sanaartornermut pilersaarusiortornermut tunngaviliissaaq.


Apeqqut 2: Sooq peqqutissaqanngitsumik timmisartut taamaatiinnarneqartartut piujuarnersoq apeqqut, kiisalu angallannermut Naalakkersuisup qanoq iliuseqarfiginiarneraa apeqqutigerusunnarpoq.

Akissut: Nunap immikkoortua aalajangersimasooq pineqarnersoq apeqqutinni allanngilat. Kisiannili atuakkanni tunngavilersuutigisat malillugu Kalaallit Nunaata Kangia pineqartoq paasinarpoq. Iisimatitsissutigisinnaavarali ataatsimut aqqiissutissamik siunnersuusiortoqarnissaa pillugu sullissisut assigiinngitsut ataatsimeeqatigisaqattaartussaagakkit.

Sullissisut teknikki peqputigalugu taamaatitsisarnerisa ikilinissaat
pingaartittorujussuura, tamanna piffissamik eqquisarnermik, aammalu angalasut
kiffartuunneqarnerinik pitsaanerulersitsisussaammat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaaluaq B. Egede